





原件短缺

PI

人物

暴勝之

武帝時爲直指使者捕盜至渤海素問雋

不疑賢延見之不疑曰凡爲吏太剛則折太柔則廢威行施之以恩然後樹功揚名永終天祿勝之服其言

毛萇

漢趙人善說詩自謂子夏所傳初子夏作詩

序以授魯申申授李克克授孟仲子仲子授根牟子根牟子授荀卿荀卿授魯人毛亨亨爲詩訓詁傳於其家初河間獻王好學得詩傳而獻於朝時毛萇受亨詩爲獻王博士每說詩獻王說之因復

取詩傳加毛字以別齊魯韓三詩故世謂亨爲大毛公萇爲小毛公亨詩傳錄萇盛行於漢萇所著有毛詩故訓二十卷詩傳十卷平帝時立於學官萇授同國貫長卿長卿授解延年爲阿武令授徐敖教授九江陳俠爲王莽講學大夫俠授同郡謝曼卿曼卿善毛詩又爲之訓東海衛敬仲受學於曼卿先儒相承謂之毛詩序子夏所創毛公及敬仲又加潤益鄭衆賈逵馬融並作毛詩傳鄭元作毛詩箋齊詩魏代已亡魯詩亡於西晉韓詩雖存

無傳之者唯毛詩鄭箋至今獨立程子曰漢儒如毛萇董仲舒最得聖賢之意今河間有毛精壘毛萇宅塚在焉

解延年 爲阿武令以毛公詩授徐敖

龔遂 字少卿山陽南平人宣帝初渤海左右郡饑盜並起二千石不能擒制上選能治者以遂爲渤海太守時遂年七十餘召見形貌短小宣帝心輕焉謂遂曰渤海廢亂朕甚憂之君何以息盜以稱朕意遂對曰海濱遐遠不霑聖化其民困於饑寒

而吏不恤故使陛下赤子盜弄陛下兵於潢池中
今欲使臣勝之邪將安之也上聞遂對甚說荅曰
選用賢良固欲安之耳遂曰臣聞治亂民猶治亂
絲不可急也唯緩之然後可治臣願丞相御史且
無拘臣以文法得一切便宜從事上許焉加賜黃
金乘傳至渤海界郡聞新守至發兵以迎遂皆遣
還勅屬縣悉罷捕盜吏諸持鉏鉤田器者皆爲良
民吏毋得問持兵者乃爲盜遂單車至府郡中翕
然盜亦皆罷渤海又多劫掠相隨聞遂令卽時棄

弓弩而持鉤鉏盜於是悉平民安土樂業遂乃開
倉假貧民選用良吏慰安牧養焉遂見齊俗奢侈
好末技不田作乃躬率以儉勸民務農桑令口種
一樹榆百本鱣五十本蔥一畦韭家二母彘五母
雞民有帶持刀劔者使賣劔買牛賣刀買犢曰何
爲帶牛佩犢春夏趨田畝秋冬課收歛益畜果實
菱芡勞來循行郡中皆有蓄積吏民皆富實獄訟
止息數年上遣使者徵遂議曹王生願從功曹以
王生素嗜酒亾節度不可使遂不忍逆從至京王

生日飲酒不視事會遂引入宮王生醉從後呼曰
明府且止願有所白遂問其故王生日天子卽問
君何以治渤海君不可有所陳宜曰皆聖王之德
非小臣之力也遂受其言旣至上果問以治狀遂
對如王生言天子說其有讓笑曰君安得長者之
言而稱之遂因前曰臣非知此臣議曹教戒也上
以遂年老不任公卿拜爲水衡都尉議曹王生爲
水衡丞

鮑宣 字子都高城人爲東州丞

詳見人物

任丘 平帝時中郎將也以繕城任丘遂以其名名
城

東漢

鄧邯 新野人禹之宗彪之父也中興初以功封鄆
侯仕至渤海太守

李續 南陽涓陽人元之子也建武中元家相繼疫
死唯續生數旬而貲財千萬諸奴欲殺續分其財
蒼頭李善深傷李氏潛負續逃隱山陽瑕丘界中
推燥居濕備嘗艱難續年十歲善與之詣縣告諸

奴長吏悉收殺之時鍾離意為瑕丘令上書言狀
光武詔拜善及續並為太子舍人續後官至河間
相

周磐 字堅伯汝南安成人和帝初除任城長遷陽

夏重和令頻歷三城皆有惠政

馬融 字季長茂陵人永初間為校書郎以忤鄧氏

在東觀十年不得調至安帝親政為河間王廐長

史

張衡 字平子南陽西鄂人永和初為河間王相時

王驕奢不遵憲典又多豪右共為不軌衡下車治
威嚴整法度陰知姦黨姓名一時收擒上下肅然
稱為政理後拜尚書

沈景 吳郡人順帝時河間孝王子開薨子惠王政

嗣敖狠不奉法憲帝以景有強能稱擢為河間相

景到國謁王王不正服箕踞殿上侍郎贊拜景峙

不為禮問王所在虎賁曰是非王邪景曰王不服

常人何別今相謁王豈謁無禮者邪王慙而更服

景然後拜出任宮門外請王傳責之曰前發京師

河間

河間

任丘

詔以王不恭使相檢督諸君空受爵祿而無訓導
因奏治罪詔書讓王而詰責傅乃捕諸姦人戮尤
惡者數人出冤獄百餘人王遂悔過自修

度尚 字博平山陽湖陸人家貧桓帝時爲宦者侯
覽視田得爲郡上計吏拜郎中除上虞長遷文安
令遇時疾疫穀貴人飢開倉賑救百姓蒙其濟

楊璇 烏傷人舉孝廉三遷渤海太守後爲尚書僕
射

吳祐 字季明長垣人爲齊相大將軍梁冀表爲長

史及冀誣奏李固祐爭之冀怒出爲河間相

陸康 字季寧吳郡人舉茂才除高城令縣在邊陲
舊制令戶一人具弓弩以備不虞長吏新到輒發
民繕修城郭康至皆罷遣百姓大悅以恩信爲治
寇盜亦息

袁紹 字本初汝陽人靈帝末爲渤海太守初平元
年紹起渤海兵與從弟術及冀州牧韓馥等八太
守同討董卓紹爲盟主後公孫瓚出軍屯槃河將
以攻紹紹乃以所佩渤海太守印綬授瓚從弟範

遣之郡欲以相結而範遂叛紹領渤海兵助瓚

魏 陳廷璧 上黨人也為河間太守

田疇 字子泰無終人曹操北征烏丸舉茂才拜彥

令隨軍次無終將其眾為鄉導遂大斬獲

溫恢 字曼基太原祁人舉孝廉為鄆陵廣川令所

在見稱

王弘直 為渤海太守

曹志 字允恭譙國人陳思王植之孽子也為魏宗

英武帝時為章武太守

崔林 字德孺東武城人文帝末以幽州刺史不事

上官左遷河間太守

岑文瑜 為廣川長廣川旱應璩以書抵文瑜云云

晉附燕

劉毅 字仲雄東萊人為清州大中正

桑沖 黎陽人有深識惠帝時河間王顥引為司馬

沖知顥必敗就職一旬即求去

虞聳 會稽人喜族祖也明天文為河間相

邵續 字嗣祖安陽人朴素有志烈王浚假續樂陵

太守屯厭次續綏懷流散人多歸之石勒既破浚
續以孤危附勒後與勒絕趙領等率廣川渤海千
餘家歸續帝以續爲平原樂安太守右將軍冀州
刺史進平北將軍

張彘 石勒河間太守及渤海太守臨溪各率步兵
三千以鎮亂

荆穎 字承穎漢齊悼惠王肥之後幽州刺史王浚
表爲渤海太守

李績 字伯陽昇平四年燕慕容恪以績爲右僕射

燕王暉不許恪屢以爲請出爲河間國章武太守

劉亮 爲渤海太守

張協 安平人載之弟少有雋才與載齊名官至河
間內史在郡清簡寡欲

冉閔 章武太守賈堅率郡兵邀慕容評戰於高城
閔擒堅於戰所斬首二十餘級

閔澄 興寧三年以渤海太守入爲侍中

封融 蓀人隆安六年爲渤海太守

詳見人物

劉鐘 廣川太守義熙六年同輔國將軍王仲德河

間內史蒯思等率眾追討盧循

呂顯 字子明少好學性廉直慕容垂以為河間太

守

鄧翼 安定人彥海父也初為河間相慕容垂以為

河間太守

張蒲 字元則攀之子修武人有父風頗涉書史為

慕容寶河間太守

後魏元遵 常山王壽鳩之子道武初賜爵略陽公及

平中山拜尚書左僕射加侍中領渤海之合口及

博陵渤海盜起遵討平之遷州牧

賀盧 代人性雄豪道武以為廣川太守

元拔干 遼西公意烈之子明元踐祚除渤海太守

吏人樂之

李綜 靈之子遵之父也趙郡平棘人行河間郡事

早卒遵亦死王事孫渾求為青州征東司馬與河

間邢邵俱奉母携妻子避難青齊

李祥 字元善平棘人學傳家業鄉人宗之以淮陽

太守遷河間太守有恩威之稱徵拜中書侍郎千

餘人上書乞留數年朝廷不從

高濟 字叔仁渤海人爲滄水太守

見人物

皮懷喜 豹之子也孝文初假平西將軍廣川公與

上黨王長孫觀討吐谷渾拾貲

李佐 字季翼有文武才幹以相州刺史拜安遠將

軍孝文時攻赭陽逆戰而敗詔徙瀛州

李洪鸞 平棘人修基孫也孝武時爲河間太守

路恃慶 字伯瑞陽平清泉人太和中累遷河間王

深長史深貪暴肆意恃慶每進苦言

陸附伯 洪從子也位滄州平東府長史

周信 文安人爲河間令以廉能稱

房熊 字子威豹之兄也性至孝聰朗有節槩州辟

主簿行清河廣川二州郡事

邢巒 字洪賓鄭人孝文時爲瀛州大中正

詳見人物

楊藻 字景德固從兄也位中書博士累遷瀛州安

東府長史

崔休 字惠盛武城人宣武初爲渤海太守下車先

戮豪猾數人姦盜屏息清身率下部內安之時大

儒張吾貴名盛山東弟子恒千餘人所在多不見容休招延禮接儒者稱之

王質 字紹奴易人也孝文時為瀛州刺史獲白兔託高聰為表以獻風化粗行人庶畏服號為威嚴

李德明 敦重有器局位高陽太守

郭祚 字季祐晉陽人孝文時以贊遷洛之規賜爵

東光子孝文崩宣武以為吏部尚書出為瀛州刺

史

夏侯道遷 譙國人歷覽書史閑習尺牘歷瀛州刺

史為政清嚴善禁盜賊

裴植 字文遠聞喜人少覽經史為瀛州刺史徵武

邑劉蘭講授州之南館生徒甚盛後為人搆以陰

謀廢黜見殺久之渤海刁冲上疏訟之贈尚書僕

射

李堅 字次壽易人也坐事為閹人宣武初自太僕

卿出為瀛州刺史

裴瑜 字文琬聞喜人封灌津子卒於渤海太守

邢晏 字初平鄭人位滄州刺史為政清靜吏人安

之 詳見人物

張安世 讜從子也正始中自梁漢同夏侯道遷歸
款積十年出爲河間太守

蕭寶夔 齊明帝第六子延昌初除瀛州刺史

蘇壽興 武邑人坐事爲閹宦後拜河間太守爵晉
陽男弟叔後襲爵除樂陵內史在郡撫綏甚有聲
譽後贈衛大將軍都官尚書瀛州刺史

畢聞慰 字子安鉅平侯衆愛子也有器幹延昌中
瀛州刺史甚有政蹟

畢祖朽 元寶子也善撫邊清平有信百姓稱之後
爲瀛州刺史

宇文福 熙平中爲瀛州刺史屬大乘妖黨突入州
城福子延逆戰身被重創賊火齋閣福時在內延
突入抱出支體灼爛乃勒衆與賊苦戰平之

胡盛 字歸興臨涇人位左衛將軍歷瀛州刺史爲
政清靜人吏愛之

楊恩 華陰人播從父也爲河間太守

皇甫度 字文亮累遷尚書左僕射正光初元義出

為都督瀛州刺史

封回 字叔念 蓀人 父鑿 贈太守 明帝時為瀛州刺

史時大乘亂後水潦 賴回以安 詳見人物

元寧 正光二年為瀛州刺史

裴彥先 聞喜人 叔業從子也 少有志尚 封雍丘子

位渤海相子約字元儉 性頗剛鯁 襲爵冀州大乘

賊起 勅為別將 行渤海郡事 城陷見害

皇甫炆 安定人 美鬚髯 善談笑 卒於渤海太守

宋季預 孝明帝時位渤海太守 子遊道 弱冠隨父

在郡父亡 吏人贈遺一無所受

薛慶之 字慶集 河東太守 麟駒子也 位廷尉丞 賜

爵龍丘子 行滄州刺史

張烈 字徵之 東武城人 明帝時為瀛州刺史 政尚

清靜 吏人安之

庾道 潁州人 歷覽史傳 善草隸書 輕財重義 為饒

安縣令

元雋 為瀛州刺史 河間邢杲率河北流人十餘萬

逼州雋不安 州人乞崔炆 韶為長史 以鎮之 炆韶

河向 五

臨機處分在難確然賊退雋表光韶忠毅朝廷發使慰勞之

李孚 字仲安恭慎篤厚孝莊初為鎮東將軍滄州刺史加散騎常侍

陽裴 字叔鸞藻之子也孝莊時累以功遷殿中尚書以本官監瀛州事

王椿 字元康晉陽人永熙中除瀛州刺史時有風雹之變詔書廣求讜言椿乃上言政事之宜性嚴察下不容姦所在吏人畏之

刁整 字景智饒安人少有大度頗涉書史晉泰初假征東大將軍滄冀瀛三州刺史大都督弟宣封

高城侯歷州刺史

詳見人物

綦儁 字標顯河南洛陽縣人孝莊時累遷滄州刺史甚為吏人畏悅孝武帝立除御史中尉後兼吏部尚書復為滄州刺史

陸子彰 字明遠代人希道之子莊帝時除衛大將軍右光祿大夫行瀛州事尋拜侍中復行滄州事初為州以聚斂為事晚節修改甚有時譽加以虛

已納物人士敬愛之

朱端 字元龍桑乾人莊帝還洛封樂陵郡公端雖為爾朱榮所委而善處朝廷間帝亦賞遇之端以青州樂陵有朱氏意欲歸之故求為青州中正又以滄州樂陵亦有朱氏而心好河北遂乞三徙內竝屬滄州樂陵郡詔許之仍轉滄州大中正

高慎

字仲密渤海人為滄州刺史

詳見人物

李獎

字通休以戚里恩爵廣平侯歷黃門郎司徒

左長史行滄州事齊天保初兼侍中冀瀛滄三州

大使觀察風俗

盧文偉

字休族莊帝崩與幽州刺史劉靈助同謀

起義靈助克瀛州留文偉行州事

拓拔朗

章武王融子為渤海太守齊神武反立為

帝是曰廢帝

元曄

建明二年以宗室子為渤海太守

斛斯智

字顯智富昌人孝武帝初除滄州刺史

竇善

平陵人孝武西遷仕至瀛州刺史

東魏李繪

字敬文平棘人河間邢晏甥也晏每嘆其

高遠靜帝時為瀛州刺史使染染人重其廉潔及
遷拜高城內史墾田倍增家給人足瀛州三郡人
俱請為繪立碑於郡街神武東巡在瀛州城西駐
馬入立使郎中陳元康論慰之先是河間太守崔
謏恃其弟暹勢從繪乞麋角鴿羽繪荅書曰鴿有
六翮飛則冲天麋有四足走則入澤下官庸體疏
嬾手足遲鈍不能追飛捕走以事佞人時文襄使
暹選司徒左長史暹薦繪旣而不果咸謂由此書

李隆 字太彞趙郡平棘人位阜城令

元晏 中散大夫乞之子孝靜初累遷吏部尚書後
出瀛州刺史在任未幾百姓欣賴高隆之以請託
不遂誅害之

元嶷 瀛州刺史卒瀛州贈司徒

元彧 字文若襲淮陽王紹濟南王封累遷滄州刺
史為政溫和好行小惠不能清白而無所侵奪百
姓亦以此便之

段壽 北原期原人文振祖也為滄州刺史

高澈 字子淡神武第五子也武定六年出為滄州

刺史為政嚴察部內肅然守令參佐下及胥吏行
 游往來皆自齋糧食纖芥知人間事有主簿張達
 嘗詣州夜投人舍食鷄羹洩對眾曰食鷄羹何不
 還價值達伏罪合境號為神明又有一人從幽州
 來驢馱鹿脯至滄州界脚痛行遲偶會一人為伴
 遂盜驢及脯去明旦告州洩乃令左右及府僚吏
 分市鹿脯不限其價其主見脯識之推獲盜者轉
 都督定州刺史

北齊破六韓常 孔雀次子也齊受禪封廣川縣見拜

太子太保卒於滄州刺史

段榮 字子茂武威人神武攻鄴榮轉輸無闕入洛
 論功轉瀛州刺史百姓愛之

張保洛 南陽西鄂人齊受禪為梁州刺史兼侍中
 尋出為滄州刺史

潘樂 字相貴廣寧石門人齊受禪以樂總大眾為
 南道大都督征討有功除瀛州刺史

張瓊 字連德代人初隨爾朱榮爾朱氏敗歸神武
 拜滄州刺史

北齊

河

堯傑 上黨人暄之從子也為爾朱兆滄州刺史遣使降神武神武以其與從弟雄俱有誠款使傑為行瀛州事使雄代傑為瀛州刺史時禁網踈闊官司相與聚歛唯雄義然後取接下以恩甚為吏人所懷

郭瓊 神武時為瀛州刺史

韓軌 字伯年逃那人神武時以功封安德郡公遷瀛州刺史

李幼廉 為瀛州長史神武行經冀郡取備事繁幼

廉應機立成先期會諸州預備不擾於民為時能吏神武深加慰勉

王士良 字君明代人少修謹不妄交游事繼母梁氏以孝聞及卒居喪毀瘠文宣自臨視之疾愈除滄州刺史

鄭述祖 字恭文開封人義之元孫少聰敏好文有風檢以丞相右長史行瀛滄二州事所在皆有惠

政

郎基 字世業中山新市人初任瀛州騎兵時陳元

康為司馬畢義雲為屬與基並有聲譽為刺史元
凝所慕三賢俱有當世才後來皆當遠至唯郎騎
兵任真過甚恐不足自達陳畢後並貴顯而郎位
止郡守云

封子繪 字仲藻蓀人回之孫文襄以為渤海太守
弟子繡亦為渤海太守外貌儒雅使氣難犯兄壻
司空婁定遠為瀛州刺史過之對妻及諸女燕集
言微褻慢子繡集眾將攻之定遠謝過乃免

可朱渾道元 文宣即位以瀛州刺史論功封扶風

王

崔仲讓 博陵人伯謙之弟歷瀛州別駕京畿司馬
文襄將之晉陽勞之曰卿騁足瀛部已著康歌督
府務總是用相授

婁叡 字佛仁為瀛州刺史

侯莫陳相 代人天保中拜太尉公兼瀛州刺史

孟業 字敬業鉅鹿人性廉謹天保時補河間國王

郎中清貧自守文宣以其清忠正直除中書舍人

高孝珩 文襄第二子也武成時出為滄州刺史至

州以五千人會任城王於信都其為匡復計周齊
王憲來伐兵弱不能敵齊叛臣乞杖令和以稍刺
孝珩墮馬奴白澤以身捍之猶傷數處遂見鹵

酈孝裕 武成時為左丞後為章武郡守

馬敬德 河間人以後主師拜祭酒儀同三司金紫

允祿大夫瀛州大中丞

詳見人物

尉粲 天統元年以瀛州刺史為太尉

高潛 神武第十子也武平五年為瀛州刺史雖不

潔已然寬恕為吏人所懷

崔孝演 字伯則安平人性通率美鬚髯姿貌魁傑

少無官情浮沉鄉里位瀛州西安府外兵叅軍罷

歸

陸孔彰 武平中為高陽太守

婁定遠 平城人昭次子為瀛州刺史

王曄 字季炎北海劇人皓之弟卒於滄州司馬

馮子琮 信都人後主時為滄州別駕

後崔士謙 安平人性明悟從周文解洛陽圍經河

橋戰加定州大中正瀛州刺史深曉政術吏人畏

而愛之

宇文亢 武帝時爲瀛州刺史

梁茂 安定烏氏人毗之父爲滄州刺史

高遵約 事後周知乾寧軍因大水沒城遵約躬築

大堤周圍堅厚堰水有功詔加獎諭

隋

侯莫陳穎 字遵道少有器量風神警發仕魏周累

遷爲振威中大夫隋文帝受禪加上開府進爵昇

平郡公平陳之後以行軍總管出魯山道與行軍

總管段文振渡江安集歸附再遷瀛州刺史甚有

惠政

尉遲勤 迴弟子也陳宣帝大建末爲大將軍成平

郡公時迴爲青州總管以隋文帝將圖篡奪得迴

書表送之尋亦從迴迴所管相衛黎亳洛貝趙冀

瀛滄勤所統青齊膠光莒諸州皆從之衆數十萬

後文帝以勤初有誠款特釋之

楊尚希 弘農人也爲周文帝國子博士宣帝崩恐

及尉遲迴之難遂歸京師隋文帝以尚希宗室之

望又背迴而至待之甚厚文帝受禪進爵為公歷位瀛州刺史甚有惠政

郭衍 字彥文介休人少驍武善騎射初仕周以功

授上柱國封武山郡公開皇元年以衍為行軍

總管五年授瀛州刺史遇秋霖大水屬縣多漂沒

民皆上高樹依大家衍親備船楫齎糧食拯救

之民多獲濟衍復開倉賑恤後始聞奏上大善之

遷朔州總管大業元年拜左武衛大將軍

令狐熙 字長熙敦煌人整之子也性極孝嚴重有

雅量博覽羣書尤明二禮善騎射解音律起家以

通經為吏部上士轉夏官都上士俱有能名隋文

帝受禪累官至司徒以軍功進上開府拜滄州刺

史在州數年風教大洽稱為良二千石

竇宗 陵川人文帝時舉賢能遷南樂令有異政陞

滄州刺史因與竇建德兵相持甚久自度力不敵

遂奔磁州蒼蒐山建德兵至圍之不解宗望闕再

拜而逝磁人廟祀之

唐偉 為渤海太守

來護兒 字崇善江都人隋開皇十年為總管時江南亂越州高智慧舉兵反總管楊素用護兒策大破之智慧逃入海大業十年伐高麗護兒擊破之高麗王懼遣使乞降因送斛斯政帝大悅後遷瀛州刺史以善政聞頻見勞勉煬帝立徵入朝百姓攀留不得出境詣闕上書者數百人帝謂曰昔國步未康卿為名將今天下無事又為良二千石可謂兼美矣

敬肅 字行儉蒲坂人少以貞介知名釋褐州主簿開皇初為安陵令有能名歷職俱有異績大業五年朝東都帝令司隸大夫薛道衡為天下郡官之狀稱肅曰心如鐵石老而彌篤

尉遲敬德 名恭以字行朔州善陽人隋大業末從軍高陽積閱為朝散大夫入唐累功封盧國公張允濟 青州北海人仕隋為武陽令以愛利為行道不拾遺遷高陽郡丞時缺太守允濟獨統郡事吏民畏悅唐貞觀初擢幽州刺史

王琮 河間郡丞竇建德攻郡城歲餘不下琮聞煬

帝凶問率吏民發喪建德遣使弔之琮乃降建德退舍待之琮言及隋亡俯然流涕建德亦為之泣諸將請烹之建德曰忠臣也吾方賞之以勸事君者乃以為瀛州刺史

楊侗 字仁謹煬帝子也美姿容性寬厚後封越王以拒楊元感事來朝於高陽拜高陽太守

唐

姚思廉 本名簡以字行陳吏部尚書察之子陳亡察自吳興遷京兆遂為萬年人思廉少受漢書於

察盡得其業寡嗜欲惟一於學入隋為漢王府參軍事以父喪免服除補河間郡司法書佐卒贈太常卿謚曰康陪葬昭陵

盧士叡 涿韓城隋亂結納英豪高祖與之舊及兵

興率百人以上謁汾陰又使兄子論降劇賊孫華與

劉弘基敗隋將桑顯和於飲馬泉累擢右光祿大

王夫為瀛州刺史黑闥遣輕騎破其郭拒戰半日士

見親屬係鹵乃潰士叡為賊擒欲使說下城堡不

從見殺

河間

薛立儉 後魏侍中汾陰武侯辨之裔高祖初爲莫
縣令政理清白見重於時

王行敏 樂平人隋末爲道長高祖興來降拜潞州
刺史遷屯衛將軍武德四年督兵徇燕趙與劉黑
闥戰歷亭破之旣而釋甲不設備爲黑闥所掩縛
至麾下終不屈遂斬之且死西向跪曰臣之忠惟
陛下知之帝聞而悼惜

田華 爲東鹽州刺史高祖五年治中王才藝殺華
叛附於劉黑闥

薛大鼎 字重臣蒲州汾陰人河間王孝恭討輔公
祐以大鼎爲饒州道軍師引兵渡彭蠡湖以功遷
滄州刺史滄州無棣渠久淤塞大鼎浚治屬之海
商賈流行里民歌曰新溝通舟楫利屬滄海魚鹽
至昔徒行今騁駟美哉薛公德滂被又疏長蘆衝
漳二渠泄淤潦水不爲害是時鄭德本在瀛州賈
敦頤爲冀州皆有治名故河北稱鑄脚刺史永徽
中遷銀青光祿大夫行荊州大都督長史卒謚曰
恭

賈敦頤 曹州人貞觀時數歷州刺史性資廉潔久
 之為洛州司馬以功累下獄太宗賞之徙瀛州刺
 史州瀕滹沱滹水歲濫溢壞室廬浸洳數百里敦
 頤為立堰障水不能暴百姓利之時弟敦實為饒
 陽令政清靜吏民嘉美舊制大功之嫌不連官朝
 廷以其治行相高故不徙以示寵

鄭德本 在瀛州與滄州薛大鼎冀州賈敦頤皆有
 治名故河北稱鎬脚刺史

盧祖尚 字季良光州樂安人家饒財好施以俠聞
 隋大業末募壯士捕盜時年十九善御眾所向有
 功歷蔣州刺史壽州都督瀛州刺史有能名

張元素 蒲州虞鄉人仕隋為景城戶曹竇建德陷
 景城執將殺之邑人千餘號泣請代曰此清吏殺
 之是無天也大王即定天下無使善人解體建德
 命釋縛署治書侍御史不拜聞江都已陷始為建
 德黃門侍郎賊平授景州錄事參軍

孫處約 名道茂汝州郟城人始以瀛州書佐入調
 尋以瀛州參軍入調貞觀中為齊王祐記室祐多

過失數上書切諫王誅帝得其書咨嘆之擢中書舍人初處約與來濟高智周郝處俊嘗客宣城石仲覽家仲覽有器識待四人甚厚私相與言志處俊曰願宰天下濟及智周亦然處約曰宰相或不可冀願爲通事舍人足矣後濟領吏部處約始以瀛州書佐入調濟遽注曰如志遂以處約爲通事舍人後皆至公輔云

劉仁軌 字正則汴州人永徽中經畧高麗拜爲方州刺史賜第一區厚資妻子及高宗封泰山仁軌

乃率新羅百濟僭羅倭四國道長赴會天子大悅擢爲大司憲遷右廂兼檢校太子左中護累功封樂城縣男咸亨五年進爵爲公子及兄子授上柱國者三人州黨榮之號所居爲樂城鄉三柱里

王備 字靈龜絀之孫明經調莫州叅軍累拜博陵常山二太守副河北招討卒贈太常卿

李乾祐 昭德父也雍州長安人後流驩州召拜滄州刺史強幹有善政聲聞赫然徵爲司刑太常伯屈突詮 通之子永徽中詮襲父爵太宗幸洛思通

忠節故詮以少子拜果毅都尉賜粟帛卹其家終瀛州刺史詮子仲翔神龍中復守瀛州

崔元暉 博陵人舉明經爲高陽主簿居父喪盡禮廬有燕更巢共乳母盧氏有賢操嘗戒元暉曰吾聞辛元馭曰子姪仕宦有言其貧窶不自存善也若貲財盈衍惡也吾嘗以爲確論若今爲吏不能忠清無戴天履地宜識吾意武后時試爲天官侍郎介然不受私謁以誅二張功封博陵郡王

杜希望 京兆萬年人重然諾所交游皆一時俊傑爲安陵令都督宋慶禮表其異政

高崇文 其先自渤海徙幽州七世不異居開元中再表其閭崇文性樸重寡言少籍平盧軍貞元中從韓全義鎮長武城治軍有聲累官金吾將軍吐蕃三萬寇寧州崇文率兵三千往救戰佛堂原大破之封渤海郡王

魚思賢 開元初令任丘開通利渠以洩陂淀入滹水得地二百餘頃百姓利之號其陂曰魚君陂

王遵 鄭縣令浚陂溉田民甚德之遵字子貢人號

其陂曰子貢陂

裴觀 開元十三年帝自擇刺史時觀以左衛將軍
爲滄州刺史與景先等凡十一人治行詔宰相諸
王御史以上祖道洛濱盛具奏太常樂帛舫水嬉
命高力士賜詩帝親書且給筆紙令自賦賚絹三
千遺之

李惠 柳城人爲平盧軍裨將安祿山亂從董秦泛
海畧定滄棣等州輕兵遠鬪賊不支戰輒北以功
拜隋州刺史

田神功 南宮人天寶末爲縣吏會天下兵興賊署
爲平盧兵馬使率衆歸朝從李忠臣收滄德攻相
州拒杏園累功淄青節度使進封信都郡王

盧士攻 山東人以文儒進端厚無競爲吏部員外
郎善於職再遷尹京兆劉總入朝與士攻故內姻
乃請析瀛莫兩州用士攻爲觀察使詔可俄而幽
州亂朱克融襲之朝廷欲重其任就加節度使士
攻空家貲助軍後天子赦克融士攻以太子賓客
分司東都除虢州刺史復爲賓客卒贈工部尚書

河間

穆寧 懷州河內人父元休有名開元間獻書天子
 擢偃師丞世以儒聞寧剛正氣節自任以明經調
 鹽山尉安祿山反署劉道元為景城守寧募兵斬
 之檄州縣并力捍賊史思明略境郡守召寧攝東
 光令禦之賊遣使誘寧寧斬以徇郡守恐怒賊即
 奪其兵罷所攝始寧過平原見顏真卿嘗陳賊必
 反及是聞真卿拒祿山即遣真卿書夫子為衛君
 乎真卿喜署寧河北採訪大使寧以息屬其母弟
 曰苟不乏嗣足矣即馳謁真卿曰先人有嗣矣我

從公死既而賊攻平原寧勸固守真卿不從夜三
 過河見肅宗行在帝問狀真卿對不用寧言故至
 此帝異之馳驛召寧將以諫議大夫任之會真卿
 以直忤旨寧亦罷

楊嶠 其先北平人世徙洛陽北齊尚書右僕射休
 之四世孫舉八科皆中調將陵尉累遷詹事司直
 李光弼 營州柳城人安祿山反郭子儀薦其能詔
 攝御史大夫持節知河東節度使兼雲中太守尋
 加魏州太守河北採訪使光弼以朔方兵五千出

土門東救常山執賊將安思義不殺問其計答曰
今軍行疲勞逢敵不可支不如按軍入守料勝而
出鹵兵焱銳弗能持重圖之萬全光弼曰善據城
待明日史思明率二萬人傅堞光弼兵不得出乃
以勁弩五百射之賊退徙陣稍北光弼出其南夾
滹沱而軍思明雖數困然恃近救解鞍休士是日
饒陽賊五千至九門光弼諜知之提輕兵斂旗鼓
伺賊方飮襲殺之且盡思明懼引去會子儀收雲
中詔悉衆出井陘合擊賊九門西思明大敗挺身
走趙郡繇鼓城入博陵殺官吏景城河間等六郡
結營自守以附光弼肅宗卽位詔以兵赴靈武更
授戶部尚書同中書門下平章事節度如故光弼
以景城河間兵入太原

李參 知鹽山縣時歲饑諭富室出粟平其直與民
不能糴者給以糟糶所活數萬進知瀛州時稱爲
能吏

劉濟 字濟之昭烈皇帝之後興元初以太子家令
爲莫州刺史累官至上柱國彭城王卒贈太師

張孝忠 父謚開元中提衆納款授鴻臚卿孝忠始名阿勞以勇聞燕趙間德宗擢孝忠檢校工部尚書成德軍節度使令與朱滔并力敗惟岳於束鹿王武俊斬之以獻已而定州降孝忠遂有易定詔定州置軍名義武以孝忠爲節度易定滄等州觀察使賜名貞元八年卒年六十二追封上谷郡王贈太師謚曰貞武

劉澶 盧龍節度使怍之次子濟母弟也涉書史有材武好施愛士能得人死力始事朱滔常陳君臣大分裁抑其凶及怍得幽州不三月病且死澶侍湯藥未常離輒以父命召濟於莫州濟嗣總軍事故德澶之讓以爲瀛州刺史有如不諱許代已久之濟自用其子爲副大使澶不能無恨因請以所部爲天子戍隴悉發其兵十五萬馳歸京師無一卒敢違令者德宗甚寵之累封鼓城郡公道卒年四十九贈尚書右僕射謚曰景

魏公賈耽 鎮鄭滑以剛直不阿忤權貴除獻陵令貞元十一年吏部大選歷陞舒州刺史元和十二

年拜少府

鄭玉 字庭玉滎陽人貞元間爲莫州唐興軍都虞侯兼押衙試鴻臚卿以文武兼才應選舉孝廉弱冠從事有老成風州將表奏授宣義即試恒王府司馬權充本州孔目判官時逢災沴歲儉人饑邑中嗷嗷世亂思理遂屈充唐興軍左虞侯以屏盜賊檢奸摘伏撫弱遏強并邑肅然名播四封累官至鴻臚卿轉都虞侯

姜師度

滄州景城郡刺史州東南二十里有渠注

毛氏河東南七十里
有渠注漳河並引浮水皆師度開

邊退思 任丘令承遇之子授滄州節度左廂押衙守景州刺史檢校左散騎常侍右威衛上將軍兼御史大夫上柱國事

曹華 宋州楚丘人憲宗初累功拜檢校右散騎常侍召至京師屬吳元濟不受命詔烏重穎討之重穎請華自副戰青陵城賊大敗拔凌雲柵以功封陳留郡王蔡平進棣州刺史州與鄆比時賊略定

滴河卒遽逐賊斬二千級復其縣又募羣盜可用者貸死補屯卒使據孔道賊至輒擊卻之不敢比擢橫海節度副使時朝廷披鄆爲三鎮其明年兗海軍亂殺觀察使王遂詔華往代視事三日合軍大饗幕甲士於廡酒中甲起於幕凡斬千二百人海沂之人重足屏息因請治兗許之尋下令曰鄆魯禮義鄉不可忘本乃數見儒士春秋祀孔子祠立學官講誦斥家貲佐贍給人乃知教成就諸生仕諸朝卒年六十九贈左僕射

田弘正 字安道父廷玠尚儒學不樂軍旅與承嗣

正爲從昆弟爲平舒丞遷樂壽清池東城河間四縣令以治稱遷滄州刺史李寶臣朱滔與承嗣不協合兵圍滄州廷玠固守連年食雖盡無叛者朝廷嘉其節徙相州弘正幼通兵法善於騎射承嗣愛之以爲必興吾宗名之曰興王承宗叛詔弘正以全師壓境破其衆南宮承宗懼歸窮於弘正弘正表諸朝遂獻德棣二州以謝納二子爲質

柳從裕 宗元之祖也爲滄州清池令

鄧少立 南陽人漢司徒禹之後也爲滄州司馬

程權 橫海節度使元和十二年入朝權自以世襲滄景與河朔三鎮無殊內不自安表請舉族歸朝許之橫海將士不聽權去掌書記林蘊曉以禍福權乃得出詔以蘊爲禮部員外郎

鄭權 字復常開封人擢進士第佐涇原節度劉昌府昌初病入朝度其軍必亂以權寬厚容衆檄王後務昌去軍果亂權挺身冒白刃明諭逆順殺首亂者一軍畏服德宗方厭兵藩屯校佐得士心者

皆就命之權自試參軍拜行軍司馬累擢河南尹進拜山東道節度使元和時徙領德棣滄景軍代程權時討李師道權身將兵出屯奏置歸化縣綏納降附者滄州刺史李宗奭數違命權劾奏治之李宗奭以州兵留已自解憲宗更以烏重穎代權滄人懼共逐宗奭還京師有詔斬以徇徙權節度邠寧或訟宗奭爲權所誣左遷原王傅改右金吾衛大將軍

殷侑 陳州人寶曆元年以侑爲滄州行軍司馬遂

拜義昌軍節度使於時夷荒之餘骸骨蔽野侑單
身之官安足麤淡與下共勞苦以仁惠爲治歲終
流戶襁屬而還

烏重穎 字保君河東將承玘子也少爲潞牙將盧
從史陰與賊通重穎縛之憲宗嘉其功擢河陽節
度使封張掖郡公凡三年遷檢校司正進邠寧公
徙橫海軍建言河朔每拒朝命者蓋刺史失權鎮
將鎮軍能作威福也使刺史得職大帥雖有祿山
思明之姦能據一州爲叛哉臣所管二州輒還刺

史職各主其兵因請廢景州法制修立時以爲宜
其討王廷湊也出屯深州方朝廷號令垂廷賊寢
不制重穎久不敢進穆宗以爲觀望詔杜叔良代
之以重穎爲太子太保文宗初司徒李同捷請襲
父位帝方務靜安可其請以重穎者將兼節度滄
景以齊州隸軍未幾卒年六十七贈太尉謚懿穆
李寰 太和元年橫海節度使李寰討李同捷

王智興 太和元年以智興爲滄州行營招討使
李全略 本王武俊裨將入朝授代州刺史程權入

朝以鄭權代爲橫海節度使權遷以烏重穎代之
烏重穎遷以杜叔良代之文宗太和元年叔良討
王廷奏兵敗乃命全略爲節度使及卒子同捷爲
留後

柏耆 有縱橫學父良器爲時名將耆志健而望高
急於立名是時王承宗叛朝廷厭兵耆杖策詣淮
西行營謁裴度且言願得天子一節可掉舌下之
度爲言乃假左拾遺往旣至以大誼動承宗至泣
下乃請獻德棣二州以二子入質真擢耆左拾遺

由是勢震一時遷起居舍人王承元徙義成軍遣
諫議大夫鄭覃往慰成德軍賚緡錢百萬未至舉
軍譁議穆宗遣耆諭天子意衆乃信悅轉兵部郎
中諫議大夫太和初李同捷反詔兩河諸鎮出兵
久無功乃授耆德州行營諸軍計會使與叛官沈
亞之諭旨會橫海節度使李祐平德州同捷窮請
降祐使大將萬洪代守滄州同捷未出也耆以二
百騎馳入滄以事誅洪與同捷朝京師旣行諫言
王廷奏欲以奇功劫同捷耆遂斬其首以獻諸將

嫉耆功比奏攢詆文宗不獲已貶耆循州司戶參軍亞之南康尉官人馬國亮譖耆受同捷先所得女及奴婢珍貲初祐聞耆殺洪大驚疾遂劇帝曰祐若死是耆殺之至是積前怒詔長流愛州賜死鄭朗 覃之弟珣瑜之孫也開成中擢起居郎累遷諫議大夫爲侍讀學士由華州刺史累官義武宣武二節度使歷工部尚書同中書門下平章事張璠 義武節度使在鎮十五年爲幽鎮所憚及有疾請入朝未報戒其子元益舉族歸朝毋得效河

北故事至是薨詔以李仲遷代之以元益爲代州刺史

李載 義武節度使也李德裕曰載入爲國家平滄景及爲軍中所逐不失爲節度使

盧弘宣 武宗會昌五年以爲義武節度使弘宣性寬厚而難犯爲政簡而其下便之詔賜粟三十萬斛在飛狐嶺西計運致之費踰於粟價弘宣遣吏守之會春早弘宣命軍隨意往取約秋斂償之境內足食

杜中立 字無爲正倫之孫羔之子也以門廕歷太子通事舍人開成中遷光祿少卿駙馬都尉尚真源長公主中立數求自試帝聞異之累功加檢校右散騎常侍京兆尹缺宣宗將用之宰相以年少欲立試其能更出爲義武節度使舊徭車三千乘歲輓漕海瀕民苦之中立置飛雪將數百人具舟以載自是民不勞軍食足矣大中十二年大水泛徐堯青郛而滄地稍卑中立自按行引御水入之毛河東注海州無水災卒年四十八贈工部尚書

郭持 咸通十年攝平昌弓高樂陵三縣令

邊承遇 字咸休陳留郡人也父字棲憫拜御史中

丞又攝瀛州長吏承遇爲唐盧龍軍節度押衙攝

莫州別駕幼尚天聰長弘儒學恒持端敏克紹家

風在公彰幹直之方爲家著孝義之節年五十三

歷授任丘令行仁恕之政立寬厚之誠暴懼頑去

人悅子來公之仁明不可勝紀改遷莫州刺史又

署別駕考秩而歸卒年六十八天祐三年葬於任

丘西南三里故塋之次元子退思授滄州節度守

景州刺史檢校左散騎常侍右威衛上將軍兼御史大夫上柱國事

唐功臣畫像續圖凌州閣開府儀同三司同中書門下三品知政事上柱國中國公高士廉 袁

恕已 賈耽 中書令行侍中太子太保蔣縣公高季輔 禮部尚書河間郡王孝恭 右武

衛大將軍盧國公程知節 兵部尚書同中書門下三品持節朔方軍節度大使中山郡公王

峻 文部尚書同中書門下平章事清河縣公房瑄 文昌左相同鳳閣鸞臺三品樂城縣公

劉仁軌 司禮卿判紙 言事渤海縣子歐陽通

南何尚之 字彥德江灣人少頗輕薄及長折節蹈

道以操立見稱為陳郡謝混所知與之游處家貧

為臨津令宋武帝領征西將軍補主簿

梁

趙延壽 本姓劉恒山人也父邠令蔣開平初滄州

節度使劉守文陷蔣其裨將趙德鈞獲延壽養以

為子因姓焉

呂充 孫鶴 俱滄州判官節度使劉守文為其弟

守光囚於燕二人推守文子延祚為帥後充弁男

女俱烹以給軍食鶴以諫守光令軍士割而啖之

戴思遠 乾化二年秋九月晉人取滄州橫海軍節

景州刺史檢校左散騎常侍右威衛上將軍兼御

史大夫上柱國事

唐功臣畫像續圖凌州閣開府儀同三司同中書

門下三品知政事上柱國中國公高士廉 袁

恕已 賈耽 中書令行侍中太子太保蔣縣

公高季輔 禮部尚書河間郡王孝恭 右武

衛大將軍盧國公程知節 兵部尚書同中書

門下三品持節朔方軍節度大使中山郡公王

琬 文部尚書同中書門下平章事清河縣公

房瑄 文昌左相同鳳閣鸞臺三品樂城縣公

劉仁軌 司禮卿判納

言事渤海縣子歐陽通

南何尚之 字彥德江灣人少頗輕薄及長折節蹈

道以操立見稱為陳郡謝混所知與之游處家貧

為臨津令宋武帝領征西將軍補主簿

梁

趙延壽 本姓劉恒山人也父邠令蔣開平初滄州

節度使劉守文陷蔣其裨將趙德鈞獲延壽養以

為子因姓焉

呂究 孫鶴 俱滄州判官節度使劉守文為其弟

守光囚於燕二人推守文子延祚為帥後究弁男

女俱烹以給軍食鶴以諫守光令軍士割而啖之

戴思遠 乾化二年秋九月晉人取滄州橫海軍節

度使藪思遠奔於京師

唐

郭從讜 天成二年以從讜為景州刺史既而殺之

李嗣昭 為橫海節度使

馬全節 金州防禦使蜀寇金州全節罄私財以給

軍出奇死戰蜀兵退唐主嘉其功以為橫海留後

晉

白文珂 為代州刺史開運元年契丹寇遂城樂壽

文珂及契丹戰于七里峯敗之

田武 開運二年橫海節度使田武為東北面行營

都部署以備契丹

梁漢章 為靜軍節度使開運三年及契丹戰於瀛

州敗績

李存審 為安國軍節度使毛璋以滄州降徙存審

橫海加中書門下平章事

王廷穎 處直兄孫也晉天福四年為義武節度使

初處直子威避王都之難入契丹至是契丹主

遣使來言請使威襲土地晉主辭以中國之法必

自刺史團防序遷乃至節度使請遣威至此漸加
進用契丹主怒曰爾節度使為天子亦有階級邪
晉王恐其滋蔓不已厚賂之請處直兄孫廷穎鎮
易定

趙思溫 字文美盧人少果銳膂力兼人天顯末為
臨海軍節度使太宗遣右相耶律述蘭迭烈哥及
思溫使晉册晉帝為英武明義皇帝

李嚴 莫州刺史晉天祐九年春周德威遣裨將攻
瓦橋關其將吏及莫州刺史李嚴皆降嚴涉獵書

傳晉王使傅其子繼安嚴固辭王怒將斬之教練
使孟知祥諫曰疆敵未滅大王豈宜以一怒戮向
義之士乎乃免之

五代周

漢

王彥徽 契丹莫州刺史乾祐元年來奔

周

史彥超 雲州人也為人勇悍驍捷周太祖起魏使
彥超為漢龍捷都指揮使漢戰高平彥超為先鋒
先登陷戰以功拜成德軍節度使周兵圍漢太原

契丹救漢出忻代世宗遣符彥卿拒之以彥超為先鋒戰忻口彥超勇憤俱發左右馳擊而復令者數四遂歿於陣世宗贈太師優恤其家

高彥暉 薊州漁陽人仕契丹為瀛州守將世宗北征以城來降

張藏英 范陽人後唐末舉族為賊孫居道所害藏英襲殺居道以祭其父母時稱為孝子契丹用為蘆臺軍使并雅鹽制置使領防州刺史周廣順三年率親屬并部兵千餘人航海歸周世宗即位授

德州刺史領邊任屢擊敗契丹宋初為瀛州團練使并護關南軍

宋

王景 萊州掖人開運二年拜橫海軍節度乾祐初加同平章事會契丹饑幽州民多度關求食至滄州境者五千餘人景善懷撫給田處之

劉福 下邳人周顯德初淮南平錄功授懷德指揮使宋初遷橫海指揮使率所部隸步帥劉光毅由峽路征蜀比至成都孟昶已降矣

滄州

薛居正 字子平開封人周顯德六年使滄州定民租未幾以材幹聞於朝擢刑部侍郎

劉蒙叟 熙古之子善騎射累官內藏庫副使後出知滄冀磁三州乾德末為太常少卿

馬仁瑀 大名人少不肯就學好戲為行陣之狀年

十六漢乾祐中周祖鎮鄴願隸帳下周祖素聞其勇既見甚喜留置左右世宗嗣位以仁瑀弓力勁而所發多中賜錦袍銀帶以功遷散指揮使從征淮南平三關累官龍捷右廂都指揮使開寶四年

遷瀛州防禦使兄子嘗因醉誤殺平民繫獄當死民家自言非有宿憾但過誤爾願以過失殺傷論仁瑀曰我為長吏而兄子殺人此怙勢爾非過失也不敢以私親而亂國法哉遂論如律

王晉卿 河朔人少勇敢為鄉里所推從周世宗累戰有功為濱州刺史開寶四年復授莫州刺史在郡謹斥堠善撫循士卒皆樂為之用邊民安堵

姚坦 字明白曹州濟陰人開寶中以尚書擢第調補將陵尉官至轉運使

石保興 開封人守信子也開寶中爲御砦四面都
巡檢太平興國八年出爲高陽關監軍端拱中徙
莫州咸平三年就拜棣州防禦使

杜守元 審琦孫開寶中爲莫州監軍契丹入邊與
州將固守城壁出馬邀擊獲生口羊馬以功加崇
儀副使未幾改正使尋爲高陽關鈐轄

喬惟岳 字伯周陳州南頓人周顯德初登第宋開
寶中右拾遺劉稹薦其才歷知懷州滄州會考課
京朝官召還兼左諭德轉太常少卿

石普 其先幽州人徙居太原給事太宗邸中補寄
班祇候累功遷富川團練使徙莫州總管初契丹
南侵敗我軍於望都旣而謀者言復欲大入寇帝
自畫軍事以手詔示輔臣曰鎮定高陽三路兵宜
會定州夾唐河爲大鎮立柵以守令並統軍一萬
於莫州盧文壽王守俊監之敵騎北去則西趨順
安軍襲擊斷西山之路如河冰已合敵由東路則
劉用劉漢凝田思明以兵五千餘會普全照爲倚
角內侍馮仁俊掌御劍於莫州與普不叶帝曰勿

窮治以驕將帥第召仁俊還又令普帥所部屯乾寧軍復遷普冀州團練使徙本州總管

宋渥 洛陽人事太祖屢官忠武軍節度太平興國元年加平章事五年冬車駕幸大名召渥詣行在詔知滄州六年封邢國公

魏羽 字垂天歙州人少能屬文太祖擢爲太子中舍太平興國初知棣州六年受詔詣瀛州覆查軍帑租得隱漏數萬計因上言本州錄事參軍郭震十年未代河間令崔能前任卽墨未滿歲遷秩有司調選失平疏遠何由聞達請罪典司以肅欺蔽上賜詔褒諭遷太常博士

李繼隆 太平興國三年契丹大入邊繼隆爲滄州都部署劉廷讓與敵戰君子館先約繼隆以精卒後殿緩急爲援旣而敵圍廷讓數重繼隆引麾下兵退保樂壽廷讓力不敵全軍陷沒裁以單騎遁免上怒追繼隆赴闕令中書問狀久乃得釋逾年加領本州觀察使端拱初擊走契丹於唐河

韓崇訓 重贊之子也歷知越泉登莫四州擢西上

閣門使邠寧環慶清遠軍都巡檢使徙鎮定高陽
關行營鈐轄屯鎮州兼河北都轉運使

韓令坤 從討李重進改成德軍易定滄節度克并
面緣邊兵馬都部署

米信 舊名海本彝族少勇悍以善射聞太平興國
四年以功擢保順軍節度使雍熙二年改鎮橫海
卒贈橫海軍節度

李斌 青州人太平興國中以天武指揮使領鄭州
刺史累官洛州團練使勤於政理人服其清至道

初徙滄州及代吏民不忍其去鄰境亦上其善狀
詔書褒美之

田仁朗 元城人太祖卽位以功授右神武統軍太
平興國四年從幸大名命爲滄州鈐轄俄遷東上
閣門使

夏侯嶠 字峻極其先幽州人後家鉅野開平中以
明經至棣州錄事太平興國初舉進士太宗擢左
補闕直史館賜緋魚會王師護邊乘傳督河間軍
道就命知莫州尋改起居郎

葛懷敏 霸之子以廕授西頭供奉官累官知隰莫保三州太平興國五年徙知滄州進涇原路兼招討經略安撫慶曆二年元昊寇鎮戎軍墮敗遂與諸將皆遇害奏至帝嗟悼久之贈鎮戎軍節度使兼太尉謚忠隱

張孜 開封人以張景宗養子廕補三班奉職歷知莫貝瀛三州累以勞遷西上閣門使知瀛州拜單州團練使

曹璨 彬之子真定人性沈毅善射以廕補供奉官常從彬征討得與計議彬以爲類已特鍾愛焉遷宮苑副使出爲高陽關副使累功入爲樞密都承旨契丹入寇命爲鎮定高陽關三路行營都鈐轄領康州防禦使

李昭遘 宗諤從子也以廕爲將佐主簿幼時楊億嘗過其家出拜億命爲賦旣成億曰桂林之下無雜木非虛言也累官擢天章閣待制知滄州用諫官吳及言復改知陝州

張利一 累官知莫莫二州爲河井緣邊安撫都監

夏守贇 守恩弟累官同知樞密院使後以疾徙判

相州疾平徙高陽關就判瀛州卒贈太尉謚忠僖

崔翰 雍熙三年六月庚子以定國軍節度使崔翰

復爲高陽關兵馬都部署

石保吉 保興弟雍熙三年知大明府兼兵馬都部

署連改橫海安國二鎮節度仁宗卽位坐失祭酒

庫吏盜追二官徙知莫州累官中正軍節度使

張承德 字抱一并州陽曲人雍熙中連知滄雄定

三州

賀令圖 雍熙三年補供奉官改知莫州遷瀛州

李繼宣 開封人乾德中補右班殿直太平興國五

年率兵扞契丹於乾寧泥姑海口雍熙四年爲高

陽關行營都監端拱初契丹騎至瀛鎮繼宣率步

騎萬人入敵境抵勝務焚聚落獲生口契丹乃引

還景德初爲高陽關鈐轄三年兼知瀛州繼宣罕

識字上以河間郡事繁慮獄訟之枉命高繼勳代

之

陸萬友 蔚州靈丘人少隸太原爲裨校漢祖起義

擢爲護聖指揮使隱帝卽位詔爲天雄節度使太宗嗣位詔知瀛州在郡二年政務苟簡雍熙二年改右監門衛大將軍逾年卒萬友始業巧饒旣貴達不忘本以銀爲巧饒數十事示子孫

何承矩

繼筠之子初爲棣州衙內指揮使端拱元

年米信知滄州以其不習吏事命承矩知節度副使實專郡治時契丹撓邊承矩上疏曰臣幼事先臣關南征行熟知北邊道路川原之勢若於順安砦西開易河蒲口導水東注於海東西三百餘里

南北五七十里資其陂澤築堤貯水爲屯田可以遏敵騎之奔軼俟期歲間關南泊悉壅闔播爲稻田其緣邊州軍臨塘水者止留城守軍士不煩發兵廣戍收地利以實邊設險固以防塞春夏課農秋冬習武休息民力以助國經如此數年將見彼弱我強彼勞我逸此禦邊之要策也其順安軍以西抵西山百里許無水田處亦望選兵戍之簡其精銳去其冗謬夫兵不患寡患驕慢而不精將不患怯患偏見而無謀若兵精將賢則四境可以高

枕而無憂太宗嘉納之屬霖雨爲災典者多議其非便承矩引援漢魏至唐屯田故事以折衆論務在必行乃以承矩爲制置河北緣邊屯田使俾董其役由是自順安以東瀕海廣袤數百里悉爲稻田而有莞蒲蜃蛤之饒民賴其利淳化四年擢爲西上閣門使知滄州踰年徙雄州御書印紙錄其功最仍賜以弓劍至道元年契丹精騎數千夜襲城下伐鼓縱火以逼樓堞承矩整兵出拒遲明列陣酣戰久之斬馘甚衆擒其渠魁鐵林相公契丹遁去是年春嘗敗契丹衆承矩條殺獲以諭州民或揭於市契丹愧忿故有是役太宗意其輕率致寇復命與滄州安守忠兩換其任魏廷式使河北得雄州功狀抗表上言又遣內侍劉勅覈實及麾下士有功者千餘人皆進擢賚賜

尹翹

并州晉陽人也開寶中事太宗於藩邸太宗

卽位擢爲殿直累官洪州巡檢未幾命護莫州屯兵雍熙三年詔知瀛州兼兵事鈐轄領富州刺史遷東上閣門使端拱二年知滄州皆兼鈐轄淳化

初改知貝州移高陽關兵馬鈐轄五年知定州

傅思讓 冀州信都人太宗時奉詔破契丹於唐興

口端拱中知莫州至道三年卒贈保順軍節度

徐興 青州人以義勇得隸兵籍周顯德中從太祖

征淮右補天武都虞候端拱中修鎮定城逾月訖

工改莫州防禦使

劉福 端拱五年五月辛卯以洛州防禦使劉福爲

高陽關兵馬都部署

張綸 潁州人太宗時擢荆湖提點刑獄使知瀛滄

有材略所至興利除害有循良之政

葛羈 真定人姿表雄毅善擊刺騎射始事太宗於

藩邸踐祚補殿前指揮使累官高陽關副都部署

進都部署凡七戰召還制授保順軍節度典軍如

故出爲鎮州都部署徙天雄軍咸平三年車駕勞

師於大名羈與石保吉同來覲時康保裔沒於河

間卽日以羈爲貝冀高陽關前軍行營都部署二

月就遷副都指揮使四年卒贈太尉

袁繼忠 并州人父進仕周爲階州防禦使繼忠以

父廕補右班殿直以功遷通書舍人護高陽關屯兵與崔彥進破契丹長城口殺獲數萬衆璽書褒美三年契丹騎大至駐唐河非諸將欲堅壁待之繼忠曰今強敵在邇城中屯重兵不能剪滅令長驅深入侵略他郡雖欲謀自安之計豈折衝禦侮之用乎我將身先士卒死於寇矣乃摧鋒先入契丹兵大潰太宗聞之降璽書獎諭賜予甚厚淳化初遷引進使護鎮定高陽關兩路屯兵三年被病召赴闕卒身死之日家無餘財縉紳稱之

王榮 定州人父洪嗣仕進爲本州十縣遊奕使榮少有膂力事瀛州馬仁瑀爲廝役補殿前指揮使盜發棣州州兵不能捕榮往討擒之加御前忠佐馬步軍都軍頭領懿州刺史

安守忠 字信臣并州晉陽人周平盧軍節度審琦之子也端拱中知滄州改瀛州兼高陽關駐泊部署遷瀛州防禦使淳化二年徙知雄州五年復知滄州至道初移雄州三年復知滄州所至吏民不忍其去

張美 自定州節度移鎮滄州持身廉謹以政蹟聞
在滄十年世謂之滄州張氏

楊延昭 業之子太平興國中補供奉官業攻應朔
延昭爲其軍先鋒戰朔州城下流矢貫臂鬪益急
以重儀副使出知景州咸平二年冬以守遂城功
拜莫州刺史景德二年追敘守禦之勞進本州防
禦使俄徙高陽關副都部署在屯所九年卒年五
十七延昭智勇善戰所得奉賜悉犒軍未嘗問家
事出入騎從如小校號令嚴明與士卒同其苦遇
敵必身先行陣克捷推功於下故人樂爲用在邊
防二十餘年契丹憚之目爲楊六郎及卒帝嗟悼
之遣中使護襯以歸河朔之人多望柩而泣

○宋四
康保裔 河南洛陽人祖志忠後唐長興中討王都

戰歿父再遇爲龍捷指揮使從太祖征李筠又死
於兵保裔在周屢立戰功爲東班押班及再遇陣
歿詔以保裔代父職後復爲高陽關都部署真宗
時契丹兵大入諸將與戰於河間保裔選銳赴之
會暮約詰朝合戰遲明契丹圍之數重左右勸易

甲馳突以出保喬曰臨難無苟免遂決戰二日殺傷甚衆蹴踐塵深二尺兵盡矢絕援不至遂沒焉時車駕駐大名聞之震悼廢朝二日贈侍中以其子繼英爲六宅使順州刺史繼彬爲洛苑使繼明爲內園副使幼子繼忠爲西頭供奉官孫惟一爲匠作監主簿繼英等奉誥命謝曰臣父不能決勝而死陛下不以罪其妻子幸矣臣等顧蒙非常之恩因悲涕伏地不能起上慟然曰爾父死王事贈賞之典所宜加厚顧謂左右曰保喬父祖死疆場身復戰歿世有忠節深可嘉也保喬有母年八十四遣使勞問贈白金五十兩封爲陳國太夫人其妻已亡亦遣封河東郡夫人保喬謹厚好禮喜賓客善騎射弋飛走無不中嘗握矢三十引滿以射箬鏑相連而墜人服其妙屢經戰陣身被七十創貸公錢數十萬勞軍役後親吏鬻器玩以償上知之乃復厚賜焉

高化 字仲熙真定人真宗卽位擢御龍都虞候累官高陽關副都總管尋知滄州踰年以中衛上將

軍致仕卒年八十贈太尉

上官正 字常清開封人雍熙中授殿中承旨屢遣
鞠獄遷供奉官閣門祇候天雄軍監軍咸平初權
戶部二年出知滄州徙高陽關副都部署又歷滄
瀛鎮貝四州高陽關部署景德中以河北新經兵
革慎擇守臣復知滄州再表引年授左龍武軍大
將軍致仕

王顯 字明德開封人太平興國三年授軍器庫副
使咸平二年以橫海軍節度使拜樞密使四年邊
臣言契丹謀入寇出顯爲鎮定高陽關三路都部
署許便宜從事王超爲副都部署尋破契丹戮二
萬餘人獲統軍鐵林等顯卒年七十六贈中書令
謚忠肅

陳興 澶州人事太宗爲御龍駕直都虞候真宗時
知滄州徙鎮定軍部置與曹瑋掩擊蕃寇斬獲甚
衆詔嘉獎之官至神龍四廂都指揮使

秦翰 字仲文真宗卽位加路苑使入內副都知咸
平中河朔用兵以爲鎮定高陽軍排陣都監賊契

丹於莫州東追斬數萬盡奪所掠老幼詔褒之累功加節度使內都知

李允則 字垂範濟州團練使謙溥子也少以林略聞廕補衙內指揮使真宗時遷洛苑副使知滄州允則巡視州境濬浮陽湖葺營壘官舍間穿井未幾契丹來攻老幼皆入保而水不乏斷冰代砲契丹遂解去真宗復召謂曰頃有言卿濬井葺屋爲勞民者及契丹至始見善爲備也轉西上閣門副使鎮定高陽關三路行營兵馬都監押契丹通好

徙知瀛州上言朝廷已許契丹和議但擇將謹誓約有言和好非利者請一切斥去真宗曰茲朕意也遷西上閣門副使何承矩爲河北緣邊安撫提點榷場及承矩疾乃請允則知雄州嘗宴軍士而甲仗庫火允則作樂行酒不輟副使請救不答少頃火熄命悉瘞所焚物密遣吏持檄瀛州以茗籠運器甲不浹旬其數已完人無知者

李重貴 孟州河陽人姿狀雄偉善騎射累官代并副都部署真宗卽位加本州防禦使徙高陽關行

營副都部署咸平三年徙滄州駐泊副都部署兼
知州事以疾求還京就醫藥

張亢 知瀛州增廣州城馭軍嚴明有治績民圖像
祠之

劉用 相州人祖萬進河中府馬步軍都指揮使父
守忠左驍衛大將軍致仕用曉音律善騎射事太
宗晉邸累遷祁州刺史至道初爲河西塢白騎都
鈐轄斬首千餘級奪馬五百疋改高陽關副都部
署咸平中知瀛州復爲高陽關副都部署時烽堠

數驚建議益邊兵俟其南牧卽率驍銳出東路以
牽制其勢因圖上地形上召宰相閱視可其奏

慕容德豐 字日新幼聰悟延釗愛之嘗曰與吾門
者必此子補山南東道衙門指揮使累功爲四方
館使徙知慶州咸平三年改滄州踰年進知貝瀛
二州

王漢忠 真宗初爲高陽關行營都部署

唐廣仁 字克之其先幽州人自石晉割地至五世
祖始得從歸滄州樂陵咸平中曾祖克勤被詔任

天雄軍管界巡檢使因家於大名中元祐六年進士調乾寧軍司法參軍後兼蘇州酒稅人多賴之王繼忠 開封人父琬爲武騎指揮使戍瓦橋關卒繼忠年六歲補東西班殿侍真宗在藩邸得給事左右以謹厚被親信卽位授內殿崇班累遷至鎮定高陽關三路鈐轄兼河北都轉運使遷高陽關副都部署俄徙定州

任宗誼 字仲直鄆人以父廕爲太廟齋郎歷官瀋州等八州又嘗按滄之樂陵治行不減於前善清理冤獄摘其要害躬爲鐫論無不厭服豪惡屏氣無敢犯者

任福 字祐之開封人咸平中爲莫州刺史仁宗時累官侍衛馬軍都虞候康定二年與元昊戰好水川身被十餘矢有小校劉進者勸福自免福曰吾爲大將兵敗以死報國爾揮鐵簡挺身決關鎗中左頰絕其喉而死奏至帝震悼之贈武勝軍節度使兼侍中

李防 字智周內黃人莫州軍事推官累官至利州

轉運使

劉蒙正 熙古子蒙叟兄也善騎射累官內藏庫副使後出知滄冀磁三州

李延渥 景德元年契丹攻瀛州知州李延渥率兵敗之殺傷十餘萬衆遁去境內賴以保全官吏進秩賜物有差

張禹珪 河朔人熙載之子也以材勇擢殿前都虞候咸平二年出知洛瀛霸三州並兼兵馬鈐轄景德初授高陽關行營副都部署天禧初自廣信軍

復爲高陽關副都部署兼知瀛州明年召還

王舉元 化基次子賜進士出身累官拜天章閣待制知滄州改河北都轉運使

馬令琮 大名人歷橫海定遠昭義彰德定武天雄六節度皆署令琮爲牙校累官充先鋒都指揮使

施昌言 字正言靜海人舉進士屢官天章閣待制有言事者以爲棣濱等六州如邊以待契丹詔昌言與宦官楊懷敏往視懷敏以爲當城如邊昌言歷知滄州河北都轉運使後加龍圖閣學士

宋六
河向

耿全斌 信都人父顥懷順軍校全斌少豐偉顥攜
謁陳搏搏謂有藩侯相太宗在藩邸召試武藝以
善左射隸麾下卽位補東班承旨稍遷驍猛副兵
馬使屯瀛州與契丹戰所乘馬兩中流矢歿凡三
易乘戰不却契丹引去真宗朝改冀州刺史高陽
關鈴轄擢從政爲侍禁寄班祇候

周仁美 深州人開寶中應募隸貝州驍捷軍累功
領順州刺史景德中入掌軍頭引見司大中祥符
二年出爲磁州團練使知衛州俄改滄州部署移

高陽關副都部署八年擢爲龍神衛都指揮

荆嗣先 景德初上觀兵澶淵詔滄州部署荆嗣先
帥所部屯淄青與王榮等合兵邀擊之

馮行 拯之子以父蔭爲左侍禁涇原路駐泊都監
知憲州因治狀增秩歷石保霸冀莫五州所至有
能稱

靳懷德 高唐人太平興國中通判滄州歷虞部北
部員外郎又通判莫州景德中知滄州歷官以強
幹稱然酗酒多失真宗詔戒又面諭之

靳宗說 爲提舉監滄州鹽山縣務有繫囚坐殺人
法當死宗說疑之會犯者言其母九十病且甚願
得一別而死宗說惻然釋囚縛令人與俱至家既
而更獲所殺人者

杜彥鈞 審琦從子也景德中爲天雄軍副都部署
大中祥符五年知莫州

柳開 字仲塗大名人少穎異膽勇累官忻州刺史
及契丹犯邊開上書請車駕觀兵河朔徙知滄州
卒

石延年 字曼卿其先幽州人徙居於宋城延年在
氣節讀書通大畧爲文勁健工詩善書累舉進士
不中真宗以爲三班奉職延年恥不就張知白素
奇之謂曰母老乃擇祿邪延年不得已就命後以
右班殿直改太常寺太祝知金鄉縣有治名薦通
判乾寧軍徙永靜軍歷遷大理寺丞

張照 字輔暘開封人開寶末補府中牙職累功爲
江南西路安撫都監徙滄州就轉宮苑使大中祥
符九年復滄州天禧三年拜西上閣門使

高賦 字正臣中山人以父任為右班殿直復舉進士改奉禮部郎又加龍圖閣知滄州前知滄州程昉欲於境內開西流河繞州而北注三塘泊賦曰滄州近歲加隄防猶懼奔濫矧安有開鑿乎昉執不從功竟無成

李南公 知滄州蘇軾草詔云刺史秩六百石以按列郡而治行卓然乃以二千石為郡守昔以責人今以自責則物被其惠民無間言爾等皆嘗奉使督察官吏公明之稱達於朕聽董治江淮控臨河海任亦重矣益懋勉之無使風采減於平昔

楊偉 翰林學士億之弟幼學于億天禧元年獻頌召試學士院賜進士及第以試秘書省校書郎遷大理司知河間縣

張綸 天禧中發運副使居二歲增米八十萬疏五渠開長蘆西河以避覆舟後擢天章閣待制

高繼勳 瓊之子以功知環州又徙瀛州時歲饑募

富人出粟以給貧者明年大稔木生連理者四郡人上治狀請留尋以榮州刺史知冀州復知瀛州

仁宗卽位改東上閣門使又知渤海擢捧日天武
四廂都指揮使連州防禦使又知瀛州歷步軍馬
軍殿前都虞候出爲天雄軍都總管願復護邊拜
威武軍節度觀察畱後復拜保順軍節度使卒贈
太尉

程戡 字勝之許州陽翟人少力學舉進士甲科累
官爲樞密直學士知永興軍仁宗時徙瀛州契丹
使過稱疾求著帽見戡使謂曰有疾可無相見見
當如禮使者語屈冠而見西遷給事中至參知政

事

魚周詢 字裕之開封雍丘人早孤好學舉進士爲
大理寺評事歷知南華分宜靜海三縣遷太常博
士河北都轉運使

呂公弼 彝簡子賜進士出身仁宗重之擢都轉運
使加龍圖閣直學士知瀛州入權開封府積遷直
學士知瀛州入權開封府積遷直
西北撤警而將屯如故民疲餽餉公弼始通御河
漕粟實塞下

杜惟序 審琦孫自三班奉職遷知莫州歷知滄州瀛州

陳升之 字暘叔建州建陽人舉進士河北都轉運使加龍圖閣直學士復知諫院

韓絳 字子華舉進士甲科仁宗命絳宣撫河北時宰王仲昌人莫敢異絳劾其蠹國害民罪不可貸仲昌遂竄嶺外遷龍圖閣學士知瀛州歐陽修率同列言絳宜在朝廷瀛非所處也留知諫院尋爲翰林學士御史中丞

張忠 字聖昆開封人慷慨不事生產初隸禁軍累遷龍神衛指揮使仁宗卽位遷天武指揮使未幾擢知滄州本路鈐轄

安俊 字智周其先太原人仁宗爲皇太子俊以將家子謹厚選爲資善堂祇候及卽位補右班殿直韓琦以破趙元昊諸砦上其功遷內殿崇班環慶路都監後徙高陽關歷知滄涇冀三州又累遷陵州路防禦使

楊偕 字次公坊州中部人唐左僕射於陵六世孫

也舉進士數上書論時政仁宗嘉納之累官擢樞密直學士知并州明年改本路經營安撫招討使賜錢五十萬偕列六事于朝不從乃罷知邢州徙滄州求面論兵事召還命問日入對後徙知成德軍

包拯 字希仁廬州人始舉進士除大理評事仁宗時知瀛州以公錢易積歲所負十餘萬悉奏除之召權知開封府遷右司郎中拯立朝綱毅貴戚爲之斂手聞者皆憚之人以包拯笑比黃河清童稚

婦女亦知其名呼曰包待制京師爲之語曰關節不到有閻羅包老謚孝肅

劉平 字士衡開封人以寇準薦爲殿中丞知瀘州景祐元年徙知滄州副都總管

王拱辰 字君旣開封人年十九舉進士第一慶曆年以翰林學士權三司使坐舉富民鄭旭出知鄭州徙澶瀛并三州數歲還爲學士承旨兼侍讀

曾鞏 字子固致堯孫建昌人嘉祐二年登進士第歷知齊襄洪福明亳滄州所至務去民疾苦入爲

中書舍人文章與歐陽修齊名世稱南豐先生

劉瑾 字元忠吉州人沆之子也第嘉祐中進士爲
館閣校勘累遷河北轉運使拜天章閣待制知瀛
州坐與世居通問徙明州踰年歷知成德軍

會布瀛州刺史於郡中東北隅作高陽臺與馮道

瀛臺相望

虞沆 字子真青州人第進士知渤海縣歲滿縣人
請留報可累官擢天章閣待制河北都轉運使李
仲昌建六塔河之議以爲費省而功倍沆曰若此

後成河必汎濫齊博濱棣之民其魚矣旣而從初
議河塞復決如沆言英宗卽位三年進樞密直學
士知成德軍俗方棄親事佛沆閱按斥數人還其
家以戶部侍郎致仕

唐介 字子方江陵人父拱卒漳州州人知其貧合
錢以贖介年尚幼謝不取擢第歷知莫州任丘縣
當遠使往來道驛吏以誅索破家爲苦介坐驛門
令曰非法所應給一切勿與稍毀吾什器者必執
之皆帖服以去沿邊塘水歲溢害民田介築隄闌

之民以爲利累官加龍圖閣直學士河北都轉運使樞密直學士知瀛州治平元年召爲御史中丞英宗謂曰卿在先朝有直聲故用卿非由左右言也

王臨 大名人贈諫議大夫廣淵之弟起進士簽書雄州判官治平中詔求武略用近臣薦自屯田員外郎換崇儀使知順安軍改河北沿邊安撫都監後以安撫副使知滄州以寶文閣待制知廣州府尋卒

宋昌言 敏求族弟也以廕爲澤州司理叅軍累積擢都水監丞熙寧初河決棗強而北昌言建議欲於三股河口兩岍新灘立土約障水使之東流候稍深卽斷北流縱出葫蘆下流以除恩冀深瀛水患詔從之提舉河渠王亞以爲不可成不如修土堤朝廷遣翰林學士司馬光往視如昌言策不兩月決口塞光奏昌言獨有功

張問 襄陽人舉進士初判大名遷江淮轉運使所部地震河決欲民築堤問言勞民非便神宗從之

海島志 卷之十二
遷知滄州獨不附新法處已廉潔官至給事中

李叅 字清臣鄆州人以蔭知鹽山縣歲饑諭富室出粟平其直與民不能糴者給以糟粃所活數萬治平初累遷加集賢院學士知瀛州賜黃金百兩再遷樞密直學士神宗久知其才書姓名於殿柱以知永興軍不行卒年七十四

李師中 字誠之楚丘人年十五上封事舉進士熙寧初拜天章閣待制河東郡都轉運使後削職復知舒州尋復待制知瀛州師中志尚甚高在官不

貴威罰務以信服人至明而恕嘗乞召司馬光蘇軾等置左右又自稱薦曰天生微臣蓋爲聖世有臣如此陛下其舍諸呂惠卿敷其語以爲罔上遂貶和州還右司郎中卒

王果 字仲武饒陽人舉明法歷大理寺詳斷官尋知保州契丹謀致書求關南地使未至果購謀者先得其藁奏之擢令賀州刺史兼高陽關兵馬鈐轄累遷西上閣門使徙知滄州卒

蔡居厚 字寬夫熙寧御史延禧子也第進士累官

吏部員外郎後坐事削職尋起知滄州歷陳齊定等州加徽猷閣待制

張景憲字正國河南人以父師德淮南轉運副使熙寧中知瀛州上言比歲不登民積逋欠今方小稔而官督使并償道路流言其禍甚於凶歲願賜寬假帝從之仍下其事後以大中大夫卒

孫永字曼叔世爲趙人御試擢進士第調襄城尉累官加龍圖閣直學士知秦州復知瀛州河決於貝瀛冀尤甚民租以災免者州縣懼常平法徵催

如故永連章論止神宗從之仍令發廩粟以賑

韓忠彥琦長子也琦罷政忠彥以秘書丞召試館

職除校理擢天章閣待制知瀛州朝廷以夏人囚廢其主用兵西方夏人求救於遼神宗以遼主生辰命忠彥以給事奉使遼遣趙資睦迂之問夏國何罪而中國兵不解幸無失兩朝之權忠彥曰問王罪西夏於二國之好何預乎

韓宗武維之子第進士韓忠彥鎮瀛州辟爲河間令值河溢增堤護城吏率兵五百伐材近郊雖墓

木亦不免父老遮道泣宗武入府白罷之後以江
淮轉運判官致仕官累大中大夫

王克臣字子難祖承衍尚秦國賢穆公主熙寧中
河決曹村克臣亟築堤成水大至人得趨避事寧
土人繪像祀之進天章閣待制徙知瀛州有告外
間入境密旨趨具獄株連甚衆克臣陰緩之已而
得爲間者於他道徙知太原拜工部侍郎

錢景諶惟演之諸孫景臻之從兄也中進士第初
赴開封解試時王安石得其文以爲知道者旣薦
送之又推譽於公卿間自是執弟子禮安石旣得
政屢以新法諷安石安石大怒座上客數十人皆
爲之懼自是與安石絕熙寧末從張景憲辟知瀛
州終身爲外官僅至朝請郎而卒

呂公孺彝簡第四子賜進士出身元豐初坐與蔡
州李憲相論奏徙相州更陳杭鄭瀛四州

李肅之迪之從子神宗以爲建議大夫知慶州數
日徙知瀛州大雨地震官舍民廬摧陷肅之出入
泥潦中結草困以儲庾粟之露暴者菱舍以居民

啟廩賑給嚴備盜竊一以軍法從事天子聞而嘉之遣使勞賜遷天章閣待制知開封府

杜充字公美相州人仕宋知滄州歸國拜尚書右丞相領中山行臺

張舜民字芝叟邠州人中進士第爲襄城令累官進禮部侍郎以龍圖閣待制歷知應天府順昌府瀛州元符中奪職

路昌衡字持正開封人起進士至太常博士尋以狂婦致之重辟出知瀛州元豐時以集英殿修撰

知濟州卒

曾肇字子開南豐人元祐四年由給事中左遷寶

文閣待制天聖七年知徐州徙江寧府帝視政更用舊臣數稱肇議禮趣入對肇言切直貴近惡其語出知瀛州與兄布易地金陵龜山楊時曰曾子

博開不以顏色假借人慎重得大臣體前輩風流惟

韓此一人耳

蔣之奇字穎叔常州宜興人擢進士第元祐初授河北都轉運使知瀛州遼史耶律迪道死所過郡

縣皆再拜致祭之奇曰天子方伯奈何爲之屈膝
深邪莫而不拜入爲戶部侍郎

韓贄一知滄瀛二州政簡而治遷河北都轉運使

謝景溫一絳之子中進士第通判汝莫二州累官拜

禮部侍郎出知瀛州元祐初進寶文閣直學士知

開封府

郭勸字仲褒鄆州人舉進士遷兵部郎中徙知滄
州又徙成德軍盜起甘陵徙鄆州旣而知成德軍
韓琦言勸所遣將張忠劉遵平賊功皆第一特召

獎諭未幾召爲翰林侍讀學士

錢勰惟演之諸孫以蔭知尉氏縣累官以龍圖閣

待制知開封府善剖斷絕干請宗室貴戚爲之歛

手積爲衆所憾出知越州徙瀛州召拜戶部侍郎

進尚書加龍圖直學士

彭思永字季長廬陵人第進士累官爲戶部副使

擢天章閣待制河北都轉運使知瀛州北俗以麻

桑爲產民懼賦不敢藝日益貧思永始奏更之徒

知汀寧府召爲御史中丞

吳中復字仲庶興國永興人進士及第累官擢天章閣待制知澤州徙瀛州移河東都轉運使龍圖閣直學士

孟元字善長洛州人累官爲高陽關路兵馬鈐轄尋遷權知滄州民鬻鹽爲生歲荒鹽多不售民無以自給元度軍食有餘悉用易鹽繇使民不轉徙累遷高陽關馬步軍總管五遷爲馬軍都虞候

王子韶字聖美太原人中進士第累遷太常諫官熙寧中出知滄州

唐恪知滄州河決北犯城下恪乘城救理水去城得全及後諸縣租未報悉便宜罷行之民大悅

馬仲甫字子山合肥人太子少保亮之子舉進士知登封縣累官天章閣待制知瀛州

李冠歷城人舉進士不第得同三禮出身調乾寧主簿卒有東臯集二十卷

劉渙與歐陽脩同年進士累官知滄州坐專斬部卒降知密州時通判涇州尹源上書言渙爲主將部卒有罪不伏笞之輒呼萬歲渙斬之不爲過以

此謫渙臣恐邊兵愈驕輕視主將所繫匪輕渙遂
獲免

劉涇 字巨濟簡州人舉進士王安石薦其才召見
除輕義所檢討久爲太學博士罷知咸陽縣教授
通判莫州除國子監丞元符末上書召對除職方
郎中

黃實 字師是陳州人登進士第累官寶文閣待制
知瀛州徙定州尋卒於官

呂希純 公著第二子也建中靖國元年自道州還

爲待制知瀛州

姚雄 兕之子少勇鷲有謀年十八卽佐父征伐從
討金湯以百騎先登奪隘建中靖國三年起雄於
光州權經畧熙河安輯復新邊使知滄州又遷知
熙河十八年間更十六帥唯雄三至凡六年以檢
校司空奉寧軍節度使致仕

何灌 字仲諒祥符人武選登第爲河東從事徽宗
時累遷西上閣門使威州刺史知滄州以治城障
功轉引進使宣和初又加龍神衛都指揮使夔離

不取景州圍薊州童貫北征委灌以兵事卽復景
城釋薊州圍召還管幹局軍司陪遼使射玉津園
一發破的再發則否客曰太尉不能邪曰非也以
禮讓客耳整之復中觀者頌嘆帝親賜酒勞之遷
步軍都虞候

滕中 字元直元發弟以蔭補將作匠主簿制行換
承奉郎歷監瀛州倉草場通判莫州廉謙自將治
民守邊所至有聲尤長於師自號淨光居士

吳珍 高陽關路安撫使大觀六年四月辛卯珍言

冀州棗強縣河清

孔遘 孔子四十一代孫爲滄州乾符令卒贈兵部
員外郎

孫觀 權知滄州有劫盜獄成觀疑之謂其僚屬曰
我武人也獄辭非吾事試召其鄉里周訪之皆云
平居放縱不事事今以爲盜則非也旣三日果獲
真盜降詔獎諭

蘇邁 上世出高陽東坡長子爲雄州防禦推官知
滄州河間縣

蘇頌 知滄州陞辭上曰朕要欲用卿輒爲事奪豈
非命邪然卿直道久而自明頌頓首謝

陳瓘 字瑩中南劍州人中甲科累官遷秘書省校
書郎紹述之說瓘承奏哲宗言天子之孝與士大
夫之孝不同帝反復究問意甚慷慨瓘再入見執
政聞而憾之出通判滄州徽宗卽位召爲右正言
遷左司諫爲諸姦臣不能安置通判卒

王漢之 字彥昭衢州常山人進士甲科累官擢禮
部侍郎轉戶部以顯謨閣待制知瀛州言自何承

規矩塘濼之地屯田東達於海其後又修保塞五
州爲隄道備種所宜木至三百萬本此中國萬世
之利也今寢失其道願講行之

劉安中 字履道中山人進士及第調瀛州司禮叅
軍宣和元年拜尚書右丞三年爲左丞金人入燕
以張覺爲臨海軍節度使其後叛金金人攻覺敗
奔燕金人來索之急安中不得已縊殺之函其首
送金郭藥師宣言曰金人欲覺卽與若求藥師亦
將與之乎安中懼奏其言因力求罷藥師自是解體

金人終以是啓覺
張近字幾中開封人第進士累遷大理正三遷以
集賢殿修撰知瀛州遼使爲夏人請命而宿兵以
臨我近請亦出秦甲戎北道伐其謀邊人呂懺兒
入瓦橋爲盜吏執之遼人因畧宋人爲質近言朝
廷方繼好息民當使曲在彼一偷之得失不足爲
輕重釋之便滄民漁于海遼卒利其饒而私舉網
取魚守兵與之鬪斬級三十二州將請賞之或言
所殺乃平人宜論如律議弗決近言邊人貪利喜

功遂賞之則爲國起患然彼挾兵涉吾地謂之非
盜可乎如罪以擅興他日將誰使禦敵願兩置賞
刑畧而不問從之出鎮高陽

陳邁字亨伯其先自江寧徙永州登進士第累遷
河北都轉運使進延康殿學士歷知中山真定河
間府復自河間徙中山欽宗立加資政殿學士詔
康王領天下大元帥邁爲兵馬元帥邁冒圍入城
受間半年外無援師京師旣陷割兩河求和邁第
適以光祿卿至中山臨城諭旨邁遙語曰主辱臣

死吾兄弟平居以名義自處寧當賣國家爲囚奴
子乎適泣曰兄但盡力勿以弟爲念邁趨步將殷
振擊賊振怒持刃入府殺邁振將出帳下卒譟而
前曰大敵臨城汝安得殺吾帥執而粹裂之身首
無餘乃開門出降金人入見其尸曰南朝忠臣也
歛而葬諸鐵柱寺建炎初贈特進太保士榮
張克戩字德祥侍中耆曾孫也第進士歷河間令
連進直龍圖閣右文殿修撰太原不守金兵殺都
監賈直克戩猶力戰金人募生致之克戩歸索朝

服焚香南向拜舞自引決一家死者八人贈延慶
殿學士紹興中謚曰忠確

李邈字彥思清江人唐宗室宰相適之之後少有
才畧見事風生以父任爲太廟齊郎累擢提轄環
慶路糧草通判河間府以忤蔡京童貫遷知霸州
數密勸童貫陰佐契丹以圖金人貫不能用屢失
機會而議復格三上章致仕不允拜青州觀察使
仍知府事邈始視事無兵儲自度無以拒敵乃募
民出財死守民亦恃邈爲固不數日得錢十三萬

貫粟十一萬石募勇敢亦數千人且戰且守相持
四旬城破被執幹離不脇以拜不拜以火燎其鬚
眉及兩髀皆不顧欲以邈知滄州笑而不荅遂遇
害高宗贈招化軍節度使謚忠壯

韓世忠 建炎五年爲橫海武寧安化軍節度使號

揚武翊運功臣

賈文 鄆人鄆州公直之子也嘗知滄州大觀中
中武舉第一人策問選將以仁智勇對其說累二
千言子詢爲都水內監使者



